



Inatsisartunut ilaasortaq Siverth K. Heilmann, Atassut

Seqimi aatsitassarsiorfik pillugu § 37 naapertorlugu apeqquteqaammut nr. 2016-185-imut akissuteqaat

Inatsisartut suleriaasianni § 37, imm. 1 naapertorlugu Naalakkersuisunut apeqqutit matuma kingulianiittut saqqummiuppatit.

1. august 2016
Sagsnr. 2016-11479

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: mmr@nanoq.gl
www.naalakkersuisut.gl

1. Niaqunngunami Seqimi Oliviinnisiorfiup suliffeqarfiup ingerlatitsisorisimasaanik allaniilluunniit ammaaqqittoqarniarneranik, Naalakkersuisut saaffigineqarsimanerlutik ilisimasaqarnerlutilluunniit?

Akissut:

Aatitassanut oqartussaasoq ingerlatseqatigiiffinit makkunannga Seqimi sumiiffimmut soqutiginnlutik oqariartuuteqartunit, toqqaannartumik saaffigineqarpoq:

- Steinsvik Olivin AS
- Olivine Group
- North American Nickel

Saaffiginninnerit taakkua qinnuteqaatit isigineqassanngillat, kisianni Seqip sumiiffia pillugu pisortatigoortuunngitsumik apeqquteqaatituunerusoq isigineqassallutik. Sumiiffik aamma aatsitassaq taanna pillugu periarfissat paasissutissallu, aatsitassanut oqartussaasup nuisitsinerni ataatsimeersuarnernilu assigiinngitsuni nittarsaassisarneranni annikinnerusumik ilaatinneqartarpoq. Taamaattumik aatsitassanut oqartussaasoq aamma ingerlatseqatigiiffinit assigiinngitsunik, nalunaarsorsimangitsunit, pisortatigoortuunngitsumik apeqquteqarfigineqartarpoq.

2. Seqimi sulisut namminneerlutik nunniorlutik talittarfiliornikuupput 200 m. miss. takissuseqartumik atorluarneqaaqqissinnaasumillu. Paaserusuppara Naalakkersuisut aatsitassarsiorfinnik allaniit saaffigineqarsimanersut, atuinissamik attartornissamilluunniit soqutiginnittunik?

Akissut:

Minelco A/S Seqimi aatsitassarsiorfimmu paaanissamut akuersissutip utertinnissaanut akuerineqareerpoq. Taamatuttaaq matusineq naammassineqareerpoq akuerineqareerlunilu, kisianni pisinnaatitsissutip tamakkiisumik utertinnissaanut, Minelco A/S-ip talittarfeqarfik allamut, aamma aserfallatsaaliuinissamut pisussaaffimmik peerneqassappallu peerneqarnissaanik tigusiumasumut, tunniutissagaa piumasaqaataavoq.

Ingerlatseqatigiiffimmut "North American Nickel"-imut (NAN), umiarsualiviup avannaani sumiiffimmi aatsitassarsiorluni misissuinissamut akuersissummik peqartumut, suliassaannut aalajangersimasumut ingerlasussanik piareersaanikkut taanna periarfissaqarfusoq, aatsitassanut oqartussaasup eqqumaffigeqquaa

aammalu taassuma aamma maannakkut pisinnaatitsissummik pigisaqartup (Minelco A/S) akornanni attaveqaqatigiinnissaq aqputissiuussimallugu.

Minelco aamma NAN piffissami sivisuumi attaveqaqatigiissimapput, aammalu umiarsualiviup tigusissaanut periarfissaq oqallisigisimallugit. Tunniussineq Naalakkersuisunit akuerineqartussaamat, NAN-ip aamma tigusissagunik pisinnaatitaaffinnut pisussaaffinnullu tunngatillugu Aatsitassanut oqartussaasoq oqaloqatigisimavaa.

NAN maannakkut nalunaarpoq umiarsualiveqarfiup, kiisalu pisussaaffiit tassunga atasut Aatsitassanut oqartussaasumit piumasaqaatigineqartut, tigusissai kissaatiginagu. Aamma maannakkorpiaq umiarsualiveqarfiup tigusissaanik kissaateqartunik allanik soqutiginnittoqanngilaq.

Taamaattumik Aatsitassanut oqartussasoq umiarsualiveqarfiup tunniunneqarnissaa, tigusissaa imaluunniit Seqimi sumiiffiup immikkoortutut ataatsimoortutut allanik soqutiginnittunit ammaqinneqarnissaa/neqeroortitsivigineqarnissaa siunertaralugu, periarfissanik allanik misissuilluni aallartippoq. Naatsorsuutigineqarpoq 2016-imi oktobari naatinagu aaqqiissutissamik ataatsimoortumik saqqummiussisoqarsinnaassasoq.

3. Ilimaneqarpoq Maniitsup eqqaani 2.985 kvadrat km-mik nunaminertamik nikkelimik paaaffinngorsinnaasumik misissuinerit isumalluarnaqisumillu "NORTH AMERICAN NICKEL"-imiit ingerlanneqarput. Taakkulu talittarfiusinnaasumik umiarsualiviusinnaasumilluunniit ujarlerput, taakkulu apeqqummut 2-mut attartornissamut akuersissumik qinnuteqarsimanersut paaserusuppara?

Akissut:

Naamik, umiarsualiveqarfiup atornissaanut akuersissummik qinnuteqarsimangillat, takukkit apeqqummut 2-imut akissutiit. Periarfissarsiortoqarpoq paasissutissanillu ujaasisoqarluni, tassani Minelco A/S-imut aamma North American Nickel-imut akuersissummut atugassarititaasunut atuuttunut tunngatillugu ilitseruinerimut aammalu ingerlatassanik nutaanik akuersissuteqartoqassappat sunniutaasinnaasunut atatillugu aatsitassanut oqartussaasoq akuliutsinneqarsimalluni.

4. Apeqqummi 3-mi qinnuteqartoqarsimappat, itigartitsisoqarsimassappallu suna Naalakkersuisuni tunngavilersuutigineqarnersoq paaserusuppara?

Akissut:

Apeqqut 3 takuuk.

Inussiarnersumik inuulluaqqusillunga



Randi Vestergaard Evaldsen